

## UNIVERZITET U BIHAĆU

telefon/faks: 387 (0) 37 222-022  
adresa: Kulina bana 2/2, 77000 Bihać  
email: rektorat@unbi.ba



## UNIVERSITY OF BIHAĆ

phone/fax: 387 (0) 37 222-022  
address: Kulina bana 2/2, 77000 Bihać  
email: rektorat@unbi.ba

### *Upravni odbor*

**Broj: 01 – 811/2009**  
**Bihać, 29. 04. 2009.**

**Izvod iz Zapisnika**  
**sa I (prve) vanredne sjednice Upravnog odbora održane 29. 04. 2009. godine**  
**u prostorijama Rektorata sa početkom u 17:00**

**Prisutni:**

1. Doc. dr Ekrem Pehlić, predsjednik
2. Prim. dr. Suad Gačo, član
3. Halid Velagić, dipl. pravnik, član
4. Prof. dr Nijaz Skender, član
5. Prof. dr Vildana Alibabić, član
6. Prof. dr Osman Ramić, član
7. Nedžmija Veladžić, dipl. pravnik
8. Izudin Saračević, dipl. politolog

**Nisu prisutni:**

1. Doc. dr Fadil Islamović, član
2. mr Husein Murtić, član
3. prof. Suad Mahmutović, član
4. Prof. dr Isak Karabegović, v.d. Rektora
5. Prof. dr Zemira Delalić, prorektor za nastavu
6. Asija Cucak, dipl. pravnik, generalni sekretar

**Dnevni red:**

1. Donošenje Odluke o imenovanju ovlaštenog potpisnika za isplatu plate uposlenika u Sekretarijatu Univerziteta u Bihaću

Predsjednik Upravnog odbora doc. dr Ekrem Pehlić je rekao da je na osnovu Zaključka, koji je donesen na prethodnoj sjednici Upravnog odbora održanoj 27. 04. 2009. godine, u kojem je rečeno da se u direktnom razgovoru kantonalnog ministarstva obrazovanja, nauke, kulture i sporta sa jedne strane te predsjednika Upravnog odbora Univerziteta u Bihaću, predstavnika

sindikata i stručnog savjetnika za finansije sa druge strane, sazvana vanredna sjednica Upravnog odbora sa samo jednom tačkom dnevnog reda.

Ova tačka dnevnog reda je jednoglasno usvojena.

Doc. dr Ekrem Pehlić je rekao prisutnima da je, u prisustvu stručnog savjetnika za finansije Sekretarijata Univerziteta u Bihaću, razgovarao sa službenikom resornog ministarstva gospođom Vesnom Jeličić. Ona je iznijela svoje mišljenje da Sekretarijat Univerziteta u Bihaću nema svog potpisnika za isplatu plata uposlenima u Sekretarijatu. Rekla je da članovi Upravnog odbora između sebe izaberu ovlaštenog potpisnika, te je iz tog razloga sazvana ova sjednica.

Ad 1

Za diskusiju se javio prof. dr Nijaz Skender. Istakao je razočarenje da upravljačko tijelo sjedi u kancelariji uposlenika u Sekretarijatu, a ne u kabinetu rektora. Podržava ovaj prijedlog da se izabere osoba koja bi bila ovlaštena za potpisivanje isplate plata uposlenicima Sekretarijata i daje prijedlog da to bude prim. dr Suad Gačo, ukoliko se predloženi kandidat slaže.

Prof. dr Osman Ramić je pitao koji vijek trajanja ima ovaj način ovlaštenja. Pitao je zna li se zašto nema, od strane Vlade USK odgovora vezanog za saglasnost rektora, ili da potvrde ili da ospore?

Predsjednik Upravnog odbora je istakao da službenica, u resornom ministarstvu, sa kojom je razgovarao kaže da nije ovlaštena da daje informacije i da samo Ministar za obrazovanje može dati odgovor na upit koji je i prof. dr Osman Ramić postavio.

Prof. dr Vildana Alibabić je rekla da podržava ovaj prijedlog za ovlaštenog potpisnika za isplatu plata samo iz razloga da uposlenici Sekretarijata dobiju platu. Naglasila je da je na prethodnoj sjednici Upravnog odbora Univerziteta u Bihaću Mehmed Duraković, dipl. pravnik rekao da v.d. može biti potpisnik 6 mjeseci. Pitala je da li v.d. Rektora i Prorektor za nastavu znaju za ovu vanrednu sjednicu Upravnog odbora i da li su oni upoznati da treba da se imenuje ovlašteni potpisnik.

Doc. dr Ekrem Pehlić je odgovorio na ovo pitanje da je v.d. Rektora upoznat preko Sekretarijata Univerziteta, a da je on razgovarao sa Prorektoricom i rekao joj razlog sazivanja ove sjednice. Pošto je Prorektorica bila na putu za Cazin rekla da ako ne treba ne bi se vraćala.

Tačka dnevnog reda je data na glasanje. Donosena je Odluka o imenovanju ovlaštenog potpisnika za isplatu plate uposlenika u Sekretarijatu Univerziteta u Bihaću za mjesec Mart 2009. godine sa 5 (pet) glasova ZA i 1 (jedan) SUZDRŽAN glas (prim. Dr Suad Gačo, jer je on imenovan za ovlaštenog potpisnika).

Sjednica Upravnog odbora je završena u 17:30.

Zapisnik sastavila:  
Nedžmija Veladžić, dipl. pravnik

Predsjednik Upravnog odbora:  
Doc. dr Ekrem Pehlić